

D.



220109



Mag. St. Dr.

P

Teol. 5229

Margowski Andreae Rudolphi: Cherubim
in terris constitutus ad portam Sapientiae
D. Joannes Cantius.



38.
CHERVBIM
IN TERRIS CONSTITVTVS

Ad Portam Sapientiæ.

D. JOANNES
CANTIVS

CONFESSOR,

S. Theol. in Alma Vniuersitate Crac: Doct: & Profes:
Regni Poloniae & Vniuersitatis
PATRONVS.



Vitæ sanctimoniâ, Virtutum miraculorumque gloriâ
Orbi terrarum notus,

*Annuo Solennitatis Festo recurrente in Ecclesia Collegiata B. M.
Virginis in Summo.*

AB ILLVSTRI ET MAGNIFICO DOMINO

D. VLADISLAO

à RADOMICKO.

RADOMICKI

CASTELLANIDA CALISSIENSI, MOSINENSI

CAPITANEIDA, &c.

Oratoriâ pro Rostris Panegyri

In frequentissimo Illustrium hospitem conspectu

In amplissimo Peraugusti Capituli Eccl: Cathedr: Polnæ: Consensu.

Devotè

EXHIBITVS.

Clientaliq; Calamo

AM. ANDREA RVDOLPHO MARGOWSKI, In Alma Vniuersitate Cracouiensi
Philosophiæ Doctore, ac interea in Collegio Lubransciano Positi Cursus Philosophici Professore.

CELEBRATVS.

Anno salutæ ab Angelo Virginis 1686.

Polnæ in Typogr. Rndi Domini Alberti Laktanski

In Auitum Decus
Illustrissimæ ab antiquo Domus
R A D O M I C C I A N Æ



220109^{III}

KOTFICIIS quod nulla vides sint mania CAMPIS,
Spartano hac Patrius pectore supplet Amor.

Sic Libertatis genium R A D O M I C C I A Virtus
Spirat adhuc, nullo Carcere passa premi.

KOTFICIIS praeclara seges sed crescit in Aruis,
Surgit KOTFICIIS aurea messis Agris.

Manibus ergo novis opus est & TRIPLICE MYRO,
In Porta Cherubim Mania quarta locat.

ILLVSTRIBVS ET MANIFICIS DOMINIS
D. MATHIÆ

à Radomicko

RADOMICKI

Tribunalitio protunc Regni Iudici Deputato,
D. ANDRÆ ALEXANDRO,
D. STEPHANO JOSEPHO,

A Radomicko

RADOMICIIS

Castellanidis Calissiensibus, Mosinensibus,

Capitanicidis &c.

PATRONIS & PROTECTORIBVS ACADEMICIS

Descendit à Rostris, ubi Fraterno Vestro in sanguine triumphauit Di-
uus Noster Cherubim, Gentilitios Vestros descendit in Campos; acsi tutissimum
utrobique Sacra Eloquentia Azylum provida felicitas equali lance partiatur. Non
ita etenim Vester hic CAMPOS soli Gradivo aut Bellone sacer est, quin sanctioribus quoque
Musis, Plinio, calentibusque Phæbo præcordijs pateat in accessum. Curulibus & Cathedris
peruium est hoc Theatrum, ubi non scenicam Trabeatus Honor Personam agens, Casä-
res ex utroque, probat. Non hic solam Cadmi Progeniem in bella na'ci fortior Pyrrha de-
dit, Marpesia in asperas Gradiui vices pectora etiam Cyrrhæis hospes ab Antris venä
Nobiliore subit Cyneas aut Pericles. Atque si in Aulos, Abalos, aut Atalos, ceteraque
Augusti sanguinis Vestri Nomina in hoc gloriæ CAMPO nata, serius iret Calamus; aut
Plinius, aut dignos Plinio Traianos inueniret. Quis pulcherrimam deducet seriem Sacrä
Archiprasulum Præsulumque Purpurä decoratam? Adorat Virile in ANDRÆA Nomen Gnesuensis
Archicathedra, qui à Gentilitio Libertatis CAMPO ad Nidum Aquilarum Virtutis merito-
rumque penmis euolauit. Exultat vetusta Pomerania Insula; quod RADOMICIIS incubu-
erit frontibus in HENRICO. Gratulatur fortune suæ Præmislensis Mitra, quod KOTFICIANO
natum in CAMPO, Caput decorauerit in ANDRÆA. Ut omittam tot alia, Æternitatis
adamante impressa Antistitem Nomina, quorum memoriam serò itura ætas venturis olim
Nepotibus reuoluendam tradit. Neque id sacri Honoris Non plus ultra est. Nempe à Pon-
tificialibus Cathedris ad Palatinas Magnorum in Republica Quiritum Curules KOTFICIA-
NÆ Stirpi impressis calcatum iter vestigijs restat. Fulget hic hereditarium veræ gloriæ Vo-
cabulum STANISLAI RADOMICKI in Palatinatu Masouensi innumera factorum suo-
rum exhibentis documenta. Agnoscit veram Neminis magnitudinem in HIERONYMO
RADOMICKI Vladislauensis Palatinatus, quem, Togä & Sago Clarum, salutaribus Pa-
triæ Consilijs Consuem, hiantibus Gradiui periculis; intrepidum ubique Curtium inuiolata An-
nualium fides Terrarum Orbi commendat; ut potè Moschouiticis, Horimensibus cum Sigismun-
do laureis coronatum. Sed quid mihi cum vetustis Avorum Aravorumque Vestrorum splen-
doribus, cum recentiora DOMVS Vestræ lumina mentem calamumque perstringunt vesti-
galem. Occurrit ante alios Illustrissimus PARENS VESTER, qui Veteri Sarmatarum more &
candore, non mediocre inclinata iam iam suis stragibus Patriæ præbens adiumentum, pro-
prijs honorum impendijs, lætissimam catafractorum partem annis non ita pridem complu-
ribus, in obsequium lacera per tot bella Matris, sustentabat. Laudauit nuper Inuictissi-
mus IOANNES Tertius integerrimam Magni huius Ciuis & Senatoris fidem, qui vene-

quandam Canitiem suam, fractamq; continuis laboribus etatem ad latus Principis hostilibus ad Viennam ictibus obijcere non tardauit. Prestantissimam vitæ etatisq; partem ratus, quæ in obsequiū Patriæ, in libertatis tutamen, penderetur. Verum & Vos in Avito hoc CAMPO non degeneres Sarculi quandam Paternæ magnitudinis similitudinem spiratis, Magni Patris non minores Filij. Diffundit sese Patrij decoris amplitudo in limatissimam Nominum Vestrorū Indolem, pulchraq; eximia laudis conuersio inter Vos Parentemq; Vestrum reciproca quadā communione intercedit. Assurgis in spem Patriæ Illustris! & Magnifice Domine MATTHIA RADOMICKI; fortunatissima omnis gloriæ sors Tuum supra Nomen cecidit. Ad radicem secuturæ magnitudinis Tuæ Securis ponitur, sed quæ Romanorum more Consulū Fasces Tibi promittit Senatorios, plectendis scelerum noxis congruam hanc Tuam Asciam Tribunaliorum æquitas Iudiciorum demonstrauit, hac nihilominus cum appendice, quod hac eadem Trabeatarum digna, censeatur esse fabricatrix Curulium. Id dexteritas Tua, id capax animi Tui indicia, in Comitiosis, Comitissq; generalibus tot felicitibus actis probata meruere: Fortunatis cresce auspicijs, quæ Tibi merita Tua faciunt. Diuq; Tui more rituz Tutelariz, Purpuratorum accede quantozus Numero Patrum, sorte & calculo Virtutum Tuarum destinatus. Succedis pari Naturæ Genio, quanquam annis & etate minor Illustris & Magnifice D. ANDREA RADOMICKI, Fraternalis laudis mensuram Tuis Operibus implet. Virile nomen eam animi Tui constantiam probat, quæ citra etatis Tuæ ambitum Nestores agere mores videaris. Pectus Tuum non fucata encyclopædia sapientiæ est, illæq; solidæ eruditionis dulcor, qui sciendi desiderio & exitu Tuam ad maiora pronocat mentem, non tenue laudum Tuarum explicat argumentum. Nihil Atticæ Pœtarum dulcedinis, nil Oratorum amplitudo suauitatis, nil Historiographorum fides veritatis comprehendit, quam solerti animo & innatâ quadam sciendi auditate non peruaseras legendo, scribendo, comprobando. Verum Regia illa scientiarum Maiestas Diuina Mathesis singulari iure conatuz Tuum occupauit animum, ut ostenderes natam ad magna indolem, magnis nonnisi intentam esse. Pulcherrimum sanè laudis artificium est, totius Orbis ambitum si non cum Alexandro vincendo percurrendoq; saltem cum Archimede figurarum compendio demonstrando, comprehendere. Punctum itaq; hoc, à quo sæpius lineas ducis, sit purpurati honoris Principium, Tuisq; adspiret passibus concentrica felicitas, quàm iam seriâ Operum Tuorum actiuitate exhibes præmaturè. Complectis quoq; ternarij numeri perfectione accessu magnanimo Illustris & Magnifice Domine STEPHANE RADOMICKI Aptum coronis Nomen, egregiam Tuam coronat. Indolem, quæ affabilitatem Nestoris, magnitudinem Iulij adequas. Verborum Tuorum gracilis ordo Gallici catenam Herculis indicat, quæ audientium animos deuincis. Sensit id Moschouiticus Eques, cuius frigidas dulci eloquio plagas reereabas lectissimorum Principum in conspectu. Tanto ergo triplicis gloriæ inuitamento pellectus Noster Cherubim, è Rostris, ut lubet iam in Gentiliū Vestrum declinat CAMPIVM Prohibet quidem Cælestis ille Cherubim stricto acinace prohibere aditum Paradisi, cuius inenarrabilem penè voluptatem decepta Protogenis nostri amisere deliquia. Noster vero Cherubim ad Portam Sapientiæ constitutus, plenum fiducia iter ad Vestra hæc explanat Tempe. Specimen istud Oratorium, Fraternalis est. Quid ergo poterat desistere aliò, nisi huc, quod germani iura sanguinis eidem persuasere. Et siquidem agnoscit Ama Mater mea Vniuersitas Cracouiensis (ubi sub Regijs D. Jagellonis Sceptris in eam gloriæ eruditig; Nominis laudem Vestra profecit felicitas,) agnoscit inquam singulare in Vobis Patrocinium, indefessumq; promouendi cultus Materni studium; idèd Clientalibus meis indixit veris, ut tenui licet hac Panegyri, D. Nostro Patriarchæ sacrâ, beneficium Vestrum veneraret Nomen. Aspicite ergo serenâ fronte, quæ literatos complectimini animos, imparem hanc Magnitudini Vestræ opellam, quam in Patronum Vestrum depono sinum, supplex id poscens, Vt beneuolam opella huic faciem explicetis.

Illustrium & Magnificarum Dñum suarum

Perennis Clientis & Servus.

M. ANDREAS RVDOLPHVS MARGOWSKI, P. D. & P.

CHERVBIM

IN TERRIS CONSTITVTVS

Ad Portam Sapientiæ.

TEmpestatem publicam, quæ jani per tot annorum interualla, armatis continuò fluctibus in luctuosas Gentis liberæ clades de-
tonat, malè adhuc compressimus Lechi. AA. Necdum fastuo-
sus ille doli Artifex exitiali suam Vulcaniam absoluit opere, vbi
impius Tyranni furor, noua in nos parat fulmina, quorum sub ictum
vna cunctorum Ciuium Regnorumq; ceruix pristino Caligulæ è voro
destinetur. Scilicet ætas hæc, quam viuimus ferrei ingenium sæculi exu-
eret, nisi contumax ista armorum violentia, durâ hac prorogati cer-
taminis continuatione sæculis intercederet. Læduntur nihilominus
formidine, quantumuis iam asuetæ hisce fragoribus aures, horrentque
ad inconditum collisarum mutuò Gentium strepitum bellaces ani-
mæ, licet inter clypeos natæ, cladibus enutritæ. Nimirum nihil adeò
stabilem naturæ genium induit, quem insolens rerum vicissitudo, aut
importuna aduersis vicibus calamitas non confundat. Atq; in exosa
hac stridentis sæculi orbitate, in cruda implacabilis Gradiui rabie ni-
hil metu securum, nihil formidine tutum. Aræ æquæ ac foci, sacra ac
profana cæco miscentur turbine, collatisq; in commune viribus, pro-
pè abest, quin mole suâ ruat terrarum Orbis. Nec satis est, etiam pro-
miscua hæc, quam deploramus afflicti temporis iactura, natio quo-
tumuis exceptam priuilegio Musarum sacriq; Apollinis sedem non
impune tetigit, summoq; bicipitis Parnassi in culmine Phæbus adhuc
non extra ictum est, *Ferunt summos fulmina montes.* Aonij illi la-
tices mero iam sanguine manant, Pegasusq; quâ Fontes expresserat
ungulâ calcandis Barbarorum ceruicibus aptior, inuito laturus tergore
non Oratores aut Pœtas, sed bellatores. Fatali iam metu vaticina
obriguere Laurus, & quæ doctarum hederæ præmia frontium defluam.
Apollinis cæsariem ornare debuerant, galeatum Martis verticem ame-
biunt. Non iam suaue Apollinaris cytharæ melos dulci modulami-
ne auribus influit, sed tubarum fremitu feraliq; lituorum clangores
ad arma prouocantur. Tanta peieratæ ætatis malignitas boni supe-
rius cuius dolentes iusto gemitu non penetrat fibras, cor & viscera acri
vulnere non perstringit? Verùm Sarmatæ. tristes deponite curas; Ad-
huc Cælorum arbitria ipsis Poloniam stare casibus volunt, ipsis erigi
in

in prospera aduersis. Nil quidem nisi planctus lacrymasque hæc nu-
bila sudant, sed tamen

Tempus erit quo prima quies mortalibus egris

Diuis ita voluentibus concedetur, Præluit spei publicæ noua tantorū
cessio fortalitiōrum, noua fæderum accessio, dum post vnitas potentis
Austriæ vires, sanctiori quoq; fides Moschouitica Colligationis vincu-
lo adstringitur, nudusque ille Eques ampla, quibus induatur sibi spo-
lia de gente sperat Tauricana. Sic Lechis *coniuata veniunt in præ-*
lia gentes, tantumque profuit Sarmaticæ semel Aquilæ in excidium.
Byzantini Orientis cæteris præuolare, ut etiam in parem volandi au-
daciam finitima insuper Regna prouocaret, Sed hæc quæ audiui-
mus terrena nonnisi sunt auspicias, attamen optatiora longè præsidia op-
pressa undique Genti Cælitus hodie destinantur, dum enutritum.
Gratijs Diui IOANNIS Nomen, aptum Cantibus CANTIL vocabu-
lum, nouum post naufragia celestima, triumphalemque canere pea-
na mandat, & oblerata periculorū indicat ostia, per quæ non interruptâ
serie, solæ pene clades ac funera, intimiora Patriæ nostræ præcordia,
inuasent per vilcera Lechiæ impune grassabantur, Clausam iam ho-
stili insolentiæ ianuam Magnus Patriæ suæ Tutelaris Deus IOAN-
NES CANTIVS ominatur. Quem ego tantæ felicitatis interpretem,
NOVVM in terris ad Portam Sapientiæ Cherubim exigua hac Paneo-
gyri veneraturus; supplex oro quatenus beneuolam Auditor deuotis-
sime aurem, & intentum optatæ pacis studio animum concedas.

Nec intimiora Sapientiæ arcana scrutari, nec Corinthum libero ad-
ire pede cuiuslibet datum AA. Arduum omninò iter, fragosusq;
Herculis trames est, qui per pulverulenta tot curarum, laborumque
Olympia, ad coronatam tot Laureis Sapientiæ metam, studio ducit
in desesso. Hinc

Arcet profanum vulgus inertia

Phæbaa virtus, nec sinit inuium

Adire culmen, laureato

Spargit opes ubi fama cliuo.

Multos quidem bonæ mentis impetus urget sublimis honoris eruditi
attingere fastigium, sed à ceptis desistere coguntur, ubi viderint quan-
tum per obstantes cuneos per tot discrimina rerum, perplexa in hoc
Latium contentio restet. Terrentur intuitu laboris quibus magni-
tudo præmiorum cordi est, optantes sine certamine victoriam pacem
sine bello: ignari penitus *Nil sine magno in vita labore mortalibus e-*
uenire. Verumtamen consulerent eiusmodi solertis naturæ genium,
cur Diuum Poëtarum genus in sublimi biocipitis Parnassi vertice, Re-
giam Eloquentiæ maiestatem in vastissimo Camporum spatio, arguta
Philo-

Philosophantium dogmata in auio sylvarum recessu constituerit? non alia sanè responsa dabit, præterquam ista, ne scilicet quispiam in tam sublime eruditæ laudis euolet, nisi quem ferax curarum entheus huc euexerit, Nemo Tullianos gustet affatim fontes, nisi prius in vicem temperamenti, vberem sollicitæ frontis procellam affuderit. Nemo in Dodonæis veluti recessibus solida Philosophantis gloriæ oracula promere audeat, nisi prius per Logicas forti incessu spinas Porphyrianæ Arboris rudimenta maturè quæsierit. Nempe anxio difficultatis fanori expositum veræ gloriæ pondus mercamur: pulcherima nihilominus negotiatio, vbi fragilibus ac euanidis ære perenniora, fluxis ac instabilibus emuntur æuiterna. Quis verò ab augustis Sapientiæ penetralibus tam inutile mortalium propulsat genus, quis aditu prohibet impressum cuiuslibet natiuo iure sciendi desiderium? Panduntur Lycæorum adita ignavis æquè ac optimis; unusque Circus habet Ephoros ac Theopompos, quorum alijs fræna iniicere, ne solito maturius festinando recalcitrent, alijs stimulos & calcanea addere, ne ignavia & torpore hæreant, prudenti arbitrio Regina mentium Pallas dedecus sinauit. Ipsa tamen ignaviæ conscientia & abiectæ mentis dedecus, tam decorum sibi præcludit aditum, cum tamen Claua Herculis à triumphalibus veteris Sacrarij postibus solos propulsauerit canes, ne sacra bruto incessu limina temerarent. Et Noster in terris Cherubim non ita flammeo acinace humana perstringit pectora, quin ingenuis æquè ac inertibus animis planum iter & reuerati in accessum pateant postes. Coronatam augustis Regum titulis priuilegiisque Palæstram, Regina viarum decet Appia, nihilominus asperis strata lapidibus, ex quorum assultu non vnus hic Amphion arguto, qua virtutum, qua eruditi Nominis concentu Thebanas rursus portas & mania moliatur. Quæ laudatæ veritatis monumenta iure legitimo in eum, qui tantæ pars maxima gloriæ est, in Nostrum scilicet ad Portam Cherubim deriuantur.

Verum paradoxa me loqui Orbis arguet, acsi arida terræ sterilitas, quæ generandis gigantum monstris similior, nobiliore secunda partu nouos Orbi producat Cherubinos, quorum Cæleste genus, insigneq; dexteræ Excelsi opus, & gestis documenta ferunt, quod sint sublimi origine nati. Ast multis non eget argumentis excelsa felicitas, quæ non quidem cunarum suarum priuilegio terrenos excedit partus, sed virtutum meritorumque suffragio consanguineis Cælestium Meotium Caribus inscribitur. Etenim habet omnis hoc sanctioris vitæ gloria, quod thaumaturgæ vi metamorphosis ituras in Cæli sublimia mentes, ubi graui terræ exuerit sarcinâ pernicibus induat alis, ut nouo huc electionis iure pertingant, unde illos naturæ Originisque calcu-

lus ad ima terræ deprefferat. Et Noster Cherubim, si in singula inno-
 centis vitæ illius momenta penetrauerimus, parem ubiq; tantæ celsi-
 tudini gessit animum, nihilq; defuit, quod Cherubici Nominis men-
 suram in eo non impleret. Nam si à plenitudine scientiarum genuina
 Cherubini Nomenclatio fidam tanti vocabuli deducit originem; hanc
 in Diuo nostro IOANNE plenitudinis felicitatem, ferax gratiarum
 amplitudo, Honorque Laureatus, aut inuenit, aut facit. Non ita etes-
 nim Laurus Academica immeritis unquam incubuit frontibus, ut ido-
 la coronaret. Ea potius Doctorale Decus ambit Capita, quæ aut iam
 ferax scientiarum ubertas Capitolino digna triumpho argumenti
 scrutinio inuenit, aut eximie grandioribus ceptis dotes complemen-
 tum magnitudinis ulteriori cuiuspiam ab usu pollicentur. Diuus nos-
 ter Cherubim ad triumphalem istam sapientiæ portam, ad laureatū
 (Philosophiam loquor) eruditi honoris ostium, eâ scientiarum am-
 plitudine decorus eminebat, ut veluti Cythara varietate chordarū
 distincta, quocunq; sua aut scribendi, aut legendi necessitas concordēs
 pulsaret fides, eū mox dabat concentū, cuius voluptate perfusi cunctorū
 animi liberis calculorum suffragijs in idem conspirarunt, ut ad plenam
 laboris Stagyrîtici Domum, ad operosum socialis vitæ Collegium viro-
 tutis inuitamento vocaretur. Annuit concordibus Maiorum suorum
 votis, Philosophici Diuinique amoris fœdere obstrictus pietati & sapi-
 entię Doctor, illoque Aristotelici certaminis in curriculo, tantum-
 mox utriusq; virtutis fecit experimentum, ut Purpuræ Decanalīs præ-
 mio in Facultate Artistica meruerit insigniri. Felix Purpura, quæ
 tantos digna fueras operire lacertos, in quibus Atlanticum pondus,
 Academicum inquam tot siderum firmamentum senio suo recum-
 bendi fulcrum adinuenit. Non eos insigni hoc Sapientiæ Cultu ore
 nabas humeros, sub quorum pallio laruata fastūs et arrogantię vitia,
 specie virtutis latitant. Non erectam inani fastu ceruicem Clarissimi
 titulo in altum irritabas, quamuis non rarò formidolosa sapientiæ
 possessio.

Os homini sublimè dedit

lussit & erectos ad sidera tollere vultus.

Haussisti ô Purpura illibato illius de pectore, genuinum niuæ mentis
 dibaphum, quo ille candidiores omni ebore interdum pingebat ge-
 nas, indiciumque natiuæ serenitatis expressus hic rubor dabat, quo-
 ties insanus alicubi probrosæ vocis turbo, aurium per adita inno-
 centi nubila in animo excitaret. Vnde tantæ virtutis arrabonem, in-
 clytam Miraculis Decanalīs gloriæ Togam, ad hæc usque tempora,
 augusta Cælorum clementia reseruat, vetustasque temporum vi pus-
 tredinis, esuque vermium non consumit, quo integer vitæ purusque
 scele-

sceleris animus induebatur. Trabeatus ille Cætus Peripatherici honor
primum in aditu, ultimum in exitu spectabat Decanum, vel hoc solo
nouum ad Portam sapientiæ Cherubinum. Plura ille hoc in Philo-
sophantis gloriæ passu exemplo fecit, quæ ego verbis percurrere non
desisterem, nisi iam à profanis hisce sapientiæ studijs ad Musæ sancti-
oris Atticam grandioribus vestigijs præsentia Diuiniorum me urgeret.
Vix enim ab ijs, quæ naturæ genius inspirat scientijs, ad supernaturalis
arcana Sapientiæ Beatus noster gradum transtulit Doctor, in eam
Theologicæ plenitudinis gratiam profecit, ut Hipponensi Augustinū,
Clareuallensi è Cathedra mellifluum spectare Doctorem sæcula testa-
rentur. Excitabant suum Themistoclis trophæa Theſeum Doctoris
Angelici Solis Aquinatici meliore flamma radij sanctiora urebant præ-
cordia Nostri ad Portam Sapientiæ Cherubini, quatenus transfuso in-
se lumine, derivatisque desuper splendoribus Academicum illustra-
ret firmamentum, essetque Luminare minus in postera minorum
gentium sidera lucis agnatæ diffusuum. Et bene est, erraticis liqui-
dem ita allucebat mentibus, ut à funesta præcipitij caligine, à cæcis
scelerum latebris, ad veram Gratiæ lucem, ad saniores virtutis viam
easdem reuocaret. Tonabat sanctiori impetu flammeus hic pro Aris
Pericles, sicque Verborum fulmine obstinatas cordium petras pene-
trabat, ut protinus in uberes Pœnitentiæ lacrymas, solutæ, sacratio-
ris venæ fontes exhiberent, ubi sædam innocentie luem, corruptæq;
probra animæ renata dolosis è cineribus Phœnix conscientia expia-
ret. Reuocabat Noster Cherubim ad Cælestem Gratiæ Portam de-
uium per errorum abrupta genus, ineffabilesque Cælestis Paradisi
monstrabat delicias, unde perituris citò fallacis arrogantie blandi-
mentis, decepta mortalium conditio perennis rea opprobrij excede-
re coacta est. Hæc Dinioris Gratiæ in restitutas impressio mentes,
Sacra vis afficax Theologiæ erat, ac proinde doctrinalis Studium The-
ologiæ Ostium quoddam Cælestis Gloriæ aditum in ardua siderum
parans. Si Ostium ac Porta, ad eam Nostrum in terris Cherubim
iam vidistis.

Nec sola tantummodò scientiarum plenitudo, quam in Doctore
Nostro spectauimus, Cherubici Nominis magnitudinē probat, etiam
in parem celsioris huius energiam Virtutum conspirat amplitudo. Si
enim in eo non fucatae humilitatis exempla quærimus, ipsa totius e-
iusdem vitæ ratio pro hac virtute militat; Non ad ianuam hanc
[Humilitatē sic mutato Nomine appello] non subdolos ille scelerumq;
penè omnium prodromus steterat unquam hostis, non Erebi ille
satelles, veraque Orci propago tumor, qui egregias plerumque hono-
ris magnitudine infascinat mentes. Victa semper malignus arrogan-

æ furor Cherubino Nostro, qui à partibus Michæliis stetit victa-
rebuir colla, gemitque sub triumphali pedum calcaneo depresso.
fastus insolentia attritu plantarum mitior. Iustum sanè tumori sup-
plicium ad ima pedum protrudi, qui vt potè extrema capitis ausu
nefario nititur occupare Tantæ virtutis lucem, quæ dum suis se pro-
hibet videri in tûmbis magis patet, vocalis illa prodit tellera

Conturbare caue non est placare suauè

Diffamare caue nam reuocare graue.

Hæc Melioris oblonij condimenta atque delicatæ mensarum cupe-
piæ inexplebilem illi virtutis gustum sapjûs acuebant, vera Humi-
lilitatis progenies solitudo, ac à morlu honoris alieni abstinentia, quæ
ille scriptis, voce, exemplo, venturis letò Nepotibus iterabat. Laudæ-
rissimam itaque Humilitatis virtutem, si sacrorum monumenta Scrip-
ptorum, lanuam virtutum omnium & melioris vitæ Portam dixerant,
ad Portam etiam istam Noster in terris fortiter stetit Cherubim. Atq;
Vnica hæc tantæ virtutis ratio pro domo Cherubici Nominis stare in
concussa posset; cum enim contumax illud superbæ facinus, à Cæle-
stium consortio virtutum perduelles Luciferi satellites turbamque fa-
stuosi sceleris sociam propulsarit cur egregia quoque Humilitatis vis
& potentia animos studio sui deditos, contrariorum priuilegio pare-
tenis Angelorum catibus non inscribat. Sed quia plenitudinis utrius-
q; argumento Cherubicum definiti nomen meminimus, ideo conca-
tenata virtutum series, socialisque accessio in euidentius Cælestis hu-
ius naturæ veniat documentum. Vetus ille mendacis ingenij artifex
violatæ flagitio veritatis Angelicam toties naturam temerauit, cum
& spei tumidæ crepundia fallacibus deciperet votis, supremi maiesta-
tè dominij pertinaci studio mendacij ambiens, cum nec inferior duos
vnquam excipiat thronus, ac proinde suo ipsa nefario ausu conui-
cta temeritas cecidit, parique scelere, ignara ad hæc mortalium
primordia illaqueare contendit, aureum Cælestis Regni pomum ap-
promittens, cum tamen laboriosis sceptrâ ligonibus, rudique lace-
ræ purpuram intenderet permutare. Vt itaque illud Cherubim No-
ster virtute quæreretur, quod probro antiquus ille transfuga amiserat,
veritatis candorem adeò tenerrimè imbibit, ut etiam dum impressa
meru oblitio innocentissimum vitio mendacij absolueret, ipsa se
innocentia accusaret. In sanctam ille peregrinus Terram cum insi-
diantium viæ alienæ latronum irruptione urgeretur, aurique famer
nobilitatis pretij quæreretur alimenta, impos animi negauerat, quod
breui præstitit; nam reuocatis in mentem aureis quos citra auarie-
tiæ dedecus innocens occultauerat prouidentia; sponte rediit,
querulisque oblectabat precibus, ut perfido parcerent, ac si etiam du-

ra illi insidiantium extorsioni rea fidelitas ex integro obsequi teneretur. Ceciderunt illi publicæ securitatis violatores, ad Nostri pedes Cherubini, victamq; se agnovit rabies, quæ brutis non hominibus similior, diuturnis intenta spolijs, efferam casa per corpora sævitiam, quâ data furori porta exercebat. Tantum potuit candoris integerrimi virtus, quæ & obstinatos animorum conatus profligat, & novos in terris sui magnitudine probat Cherubinos. Pertinet ad complementum plenitudinis succedanea quoque cæterarum virtutum series, quæ passibus ingenuis fida priorum imitatrix, pietatis satellicia claudit. Primam spectare licet intenti alienæ indigentia animi vadem, quam vulgare vocabulum dulci Misericordiæ titulo appellat. Profundissimè illam Divi IOANNIS Nostri medullis adeo Divinus impresserat Amor, ut nullus unquam maligni temporis error, pientissimis eandem visceribus extorqueret. Ut scilicet novum vitæ sanctimonia Cherubicæ magnitudinis faceret documentum, obstratam humanæ calamitati propensionem fugi exsoluit ministerio. Iuxta Divini cultus studio evocatus Cherubim Noster sacrarum Divæ Annæ in læcessa Ædium solitæ daturus operam contemplationi, & ecce intensissimis brumæ algoribus ingemiscientem in vestibulo Ecclesiæ, miserabilioremque veteri Iro spectat pauperem cuius tremulis vox faucibus hærens, omni gladio ancipiti penetrabilior adeo sacrum commiserationi pupugit animum, ut depositâ protinus veste vix spirantia præ frigoris æstu corpora palliaret. Sed cum maturiori reditu suum iterum adiret cubiculum, donatæque vestis defectum alterius pallij accessu supplere intenderet, prius quo nudos egeni lacertos operuerat inuenit. Ita sancta liberalis animi effusio in orphanos erogata usus, obligatam multiplici fanore Divorum obstringit memoriam, ut etiam miraculis sacra hæc probet impendia, in vitæque mortalium laudatissima hæc largitionis specimina remunerationis præmio sine mora coronet, potiozem nihilominus sera post fata partem copiosæ mercedi reseruando. Beneficia scilicet non amittit qui alacri impendit manu captivæ pro Deo sponte suâ indigentia. Ad istam itaq; sacrarum Ædium Portam Novam in CANTIO quis negat Cherubinum. Atq; hætenus per gradus veluti quosdam scientiarum virtutumq; contendit ratio, donec ad summum trinæ plenitudinis fastigium, interprete Cherubicæ magnitudinis euentu, grande in vita prodigiorum Nos impellat argumentum. Terminales siquidem humanæ sortis excedit, metas thaumaturgo miraculorum exitu probata perfectionis vitæ celsitudo. Hanc in Nostro sospitante adhuc terras Cherubino viderunt sæcula, mirabantur Ciues Orbis deniq; stupuit Uniusversus. Tempus erat quo flammeus noster ad Aras Cherubim trem-

men. —

menda sacrificij mysteria celebrabat, & ecce infernalis ille Tytio mē-
titus formam hirundinis trisleq; Progne voces simulans, nunc falla-
cem titubans in gyrum, pennis carpebat æthera, nunc defluo ausu
sacrum venerandi Capitis tangebatur verticem, queruloque gutture euo-
cati in Cælestia animi impetus confundere nitebatur. Verum nihil
agis probrose pacis publicæ Violator; contra Nostrum Cherubim an-
tiqua restauras prælia, ac si parum esset semel triumphali Michæelis
dexterâ profligari, iterum ad arma prouocas Cherubinum, ut nouâ
rursus strage etiam in terris dispareas castigatus? Factum est, impositâ
etenim sacris coronide, importunam apprehendit volucrem, fortiq;
impetu omnium in conspectu allisit terræ; sed mox fumosam hiru-
dinis formam in teterrimam draconis varians figuram perenni cum
opprobrio disparuit, exitiosumque inuenit Caucasum infelix ille Pro-
teus stygijs aduena huc à caminis. Tacebo non mortale illud, quod
egit opus: cum insolitis squaleret eiulatibus minacis heræ furias ma-
turè callens quædam Cracia in Vrbe ancilla, quod argillacea artis ex-
quisitæ vasa lactis dulcedine oppleta attritu lapidis frangeret, iustis
subueniens planctibus, benefaciendo fortè hæc transiens Divus IO-
ANNES CANTIVS, collectas ergo testulas ad pristinam reuocauit
normam, haustamque vicino è fluuio lympham in delicatissimi spe-
ciem lactis restituit. - *sic mutant elementa fidem* • • feratis gratiæ nu-
tibus obsecuta. Bene ibi lamentabilis illa Agar graui timoris æstu
laborans feliciores inuenit fontes, quos Noster Cherubim stupendo
illi opere indicauit. Sed hæc minora sunt quæ hæcenus audiistis;
Vnum illud pertransire non possum, cuius facti exemplo, inusitata
Cherubicæ naturæ sublimitas constat: *Nox erat* & placidam du-
cebant cuncta quietem sola Diui IOANNIS CANTII pietas Cælestes
ad Portam agebat excubias ante dolorosæ Deiparæ suo cum Filio ima-
ginem in vestibulo Majoris Collegij eximias fundendo preces; & ecce
quam sub ænigmate profundissimo venerabatur cultu, reuelatâ tan-
dem facie Cælestem illam Reginam vidisse meruit, quæ dulci allo-
quio suum compellans IOANNEM, Togam non Arte Phrygiâ, sed
Angelicis paratam manibus Doctori concessit candidissimo. Nox il-
la fortunatissimæ cuiusquâ diei auspicia vixit, in qua ut potè utrumq;
Luminare, extra solitam Naturæ orbitam, Academicæ concessit In-
telligentiæ. Assurge itaque in reuerentiam fortunæ Tux Alma Mater
mea Vniuersitas Cracouiensis, quod ad Ostium Maioris Domûs Tux,
non centoculi Dracones flammam uè spirantes tauri, aureum Sapi-
entiæ Tux Vellus fortibus cingant excubijs, sed duas illasque im-
mobiles Columnas, aut verius inexpugnabilem habeas in limine Turo-
rim, ex qua mille Clypei omnisque fortium pendet armatura. lue-
runt

rarò Hercules Lernæam Hereseos tot 'Capitum Hidram felicibus de-
 pressit auspicijs. Prehende manu alterâ aureas Petri Claves quibus
 Ostia bonæ spei toties patuere. Clauibus sub istis Thesaurus Sapi-
 entiae absconditus, omniq; pretiosior auro eruditi honoris maiestas
 asseruatur. Atq; hic iam in pronam Oratio mea sternitur reuerenti-
 am quoties, excelsa Theologica, Iuridicaque Laureæ Capita tantò in
 conspectu veneratur. Doctoralis non Vnius hic annulus decorem Spon-
 sæ Christi auget. Nec ex vano Annulus Piscatoris triumphat, in Na-
 uicula Petri sanctiores hic spectans Polocrates, quorum calcaneis in-
 solentius Orbis mare obsequentes in cultum componit fluctus. Est
 hic Iuris Vtriusque pupilla, viua Consiliorum Encyclopedia, genuina
 æqui iustiq; amussis, cuius inclytum Nomen duplici coronatum Lau-
 rea ubi sponsæ huius cultum rugosamque aliquantùm Balticis è ru-
 deribus venustatem, munificentia suâ decorare non desistit, etiam Diui
 IOANNIS CANTII singulare ornamentum, speciali beneficæ liberalita-
 tis prouentu non cessat coronare. Erige itaque in spem melioris æui
 animum fortunatissima Petri Cathedra, quod sacratioribus Insignium
 Tuorum Armis Noster firmatus Cherubim, ad Portam triumphet Sa-
 pientiae. Applaude fortunæ Tux Vetustissima Maioris Poloniæ Me-
 tropolis, quod ad Turritam eximij Stemmatibus Tui Portam, etiam hic
 Fortis armatus, Noster inquam Cherubim accesserit. Arcebit crede
 mihi, à primo mæniorum Tuorum limine arcebit importuna errorū
 confinia præliatrix Cherubini Nostri dextera, quousque prima Consili-
 orum fouebis Capita, quæ aut sub LVRANSIANA Pinu, aut sub Rega-
 libus D. IAGELLONIS Scepbris sollicitas eruditi laboris curas posu-
 ère. Exultra denique Polonia quod eos Visceribus Tuis enixa
 fueris, qui non vanos Cherubici Nominis titulos ope-
 rum excellentium magnitudine meruere. Spes
 igitur non dubijs acceleret pennis, quod
 claudetur infensa furoris Othoman-
 nici Porta, Bifrontis deniq; Iani
 laureati pacis, me Vate Poe-
 stes aperientur.

D I X I.



es
us
is
as
tis
in
n-
a-
ne
Est
a-
u-
u-
ioi
ra-
eui
am
sa-
les
nic
de
orū
ili-
ga-

Biblioteka Jagiellońska



stdr0007674

